

船

山

詩

草

船山詩草卷十八

遂寧 張問陶 仲治

出守東萊集

庚午

出守萊州九月二十日出都留別舊雨

一門四世宦山東曾爲趨庭念祖風生小齊人慣齊

語此方原在夢魂中

予家五世宦遊惟先曾祖未官山東先高祖守兗州先祖守登

州子生時先大夫爲館陶縣令

草草輕裝不諱爲敝車羸馬向風塵憑他舊典翻新
樣路鬼挪揄作郡人

東萊東望海雲閒，琴鶴隨身破酒顏。
畢竟蓬壺仙籍在，一麾還得領三山。

蓮燈驄馬舊輝光，甕側經年吏部郎。
打疊官身學鷗鳥，宦途全任海茫茫。

名場小閣幾升沈，風雨宣南歲月深。
二十七年鬚鬢改，荒寒猶此布衣心。

子以乾隆甲辰始遊部下，今廿七年矣。

深燈小宴語圍欒，多少詩盟結歲寒。
豈獨故人難詎別，并州已作故鄉看。

河間道中

溝洫何時廢，民因旱澇窮。
頻年傷積雨，逐處見哀鴻。

浩瀚平沙白荒寒古廟紅憑誰興水利能事想英雄

旅夜

秋潦平原紫風霾返照黃大魚生老漁枯樹表荒莊
短夢蘆簾冷飢人麥飯香中途猶笑語嬌女共車箱
到郡十餘日始得退埽閒軒默坐得句

海角封疆冷山光拂畫旗官民驚乍見名字喜先知
拭案無畱臚焚香得小詩書生談上理補掾恐難遲
塞上承天語民日默化難霸才思官晏律意窘申韓
夜燭求生苦新霜觸夢寒洋洋舊東海何日挽狂瀾

署後園亭

小園風物久荒寒，今我來遊歲已闌。
如有野人藏石角，并無時鳥過林端。
亭孤儘設全家坐，牆倒原憑百姓看。
頭上海雲天萬里，更須何處築仙壇。

長至前一日惠印山馮旭林劉敬齋小集聞
過齋分韻得開字

婆娑生意感庭槐，風雪綿延海上來。
已分僉官同蠟縮，忽逢良友勝花開。
祥和觴政含春氣，磊落詩壇起將才。
太史書雲應一笑，酒星今夜照東萊。

金涓厓看山駐馬圖

風塵驅馬路迢迢，略有雲山破寂寥。
何似江南春水

綠船窗高枕看金焦

朱奕韓先生

介圭

自敘宦遊蜀粵記爲蘭谷

題

世廟人才氣象雄
早從蓮幕起孤忠
一誠圖報心真
勇萬變當前計不窮
百粵重修鹽鐵論
三川親定馬
牛風舊鄉曾過都
江堰聽美朱公接李公

成都大堰開于秦太

水守李

題淵如觀察紀遇圖兩峰山人畫

舊遊一一畫屏風
畫手權奇也不同
但使人情先孝
義何妨仙夢偶窮通
身經秦華胸懷古文接
周秦氣

舟上言正卷一
象雄老我望洋驚歎久神山都在有無中
三

辛未

正月八日將赴濟南發郡城口占

嚴寒纔破臘春氣忽醺然吉日占人穀行蹤問海天
農商難返樸官吏可能仙寄語三山友神風莫引船
花朝重登蠡勺亭

謬持龍節領東方笑舉深杯且望洋眼底無人真曠
達意中有海更蒼茫幾叢煙柳新邨社一派風濤古
戰場好是百花生日後麥苗春動土膏香

閏二月下旬留濟南忽將匝月矣月夜獨泛

明湖慨然有作

朝三暮四已經旬咫尺湖光負好春
明月何曾私照我夜風且莫暗吹人
黃楊易厄今年閏黑海難迷隔世因
別有煙波心淡遠船窗呼酒沃冰輪

九月廿三日府試卽墨文童賦得水勢初知
海得平字

壯志曾超海汪洋見始驚百靈來有信
萬派去無聲填石知難補稽天勢早成
騶談猶恍惚蠡測漸分明攔網能搜寶
樓船爲洗兵誰探月窟從此識鵬程
沐浴雙丸小渚融兩戒平仙山風引處
指點說蓬瀛

九月三十日府試維縣文童賦得餘事作詩
人得人字

才本餘於事通儒自有真
詩乘暇日游藝託風人
綺語原非癖驚賤亦偶陳
八义情不滯三上句如神
勲業方華國籤題任等身
雕龍名早得繡虎氣難馴
灑落心千古縱橫筆萬鈞
鴻猷憑黼黻大雅看扶輪
十月十二日覆試掖縣平度文童賦得繡虎
得才字

誰繡詩中虎羣推七步才
星睛隨筆點雲錦稱心裁
彪炳千鍼麗爛斑百獸猜
屏山腥草木巖電織風雷

盤綫工如鬼吞牛氣不孩巧從天匠出光自斗樞來
綸綵作龍裘園文軼豹胎買絲王莫笑子亦爪牙材
十月十三日覆試濰膠高密文童賦得奪錦
袍得唐字

袍已裁宮錦詩成孰擅場才能驚四座標官讓東方
玉帶臨風皎圍花竟體香騷壇增絢爛文戰不倉皇
彼美神先索吾軍勢早張光榮矜命服冷豔笑笑囊
勛敵曾超沈鴻篇欲冠唐龍門看奪幟河鯉盡飛揚
十四日覆試掖昌邑文章賦得出谷遷喬得

鶯字

爲想人求友。翩如二月鶯。遷喬攜舊侶。出谷試新聲。
振繡空巖悄。流簧老樹晴。行藏無罣礙。氣象忽崢嶸。
柳意曾相待。山容尙有情。綠雲迷接葉。紅雨溜含櫻。
岫遠花應妥。巢安鵲共營。丁寧音下上。神聽亦和平。

十六日三覆披昌文童賦得鐵網珊瑚得心

字

欲下珊瑚網。清嚴鑄鐵心。大州無錯字。百寶在儒林。
絲密精鏤結。柯交大海深。所求爭寸尺。此舉判升沈。
映日光酒斂。驅龍勢可尋。黑雲盤漉漉。紅樹起森森。
百任珠藏櫝。還期石引鍼。詩成誰架筆。聲價奪兼金。

翟文泉孝廉云升贈予小黃石有奔馬影賦

詩誌謝

寸石影天馬橫奔雄萬夫神工真狡獪畫意不模糊
蹄尾騰空疾風雲變態殊白盃新水活一幅小河圖

壬申

辭邵爾題蓋公堂

今日篤行堂
非其舊矣

樂聖何妨且避賢無田也自說歸田抽簪易了功名
局託鉢難銷骨肉緣犬馬三生終戀主蓬壺一擲
轉登仙蓋公清靜師黃老治譜遙遙竟不傳

爲旭林畫猿題句

游戲清高洞壑幽白雲紅樹幾春秋從今細享山林
福揮手風塵傲五侯

壬申二月九日春分是日辭郡交印口占時
子年四十九矣

印牀灑掃吏人稀春正平分我亦歸篋底重尋新筆
覩馬前長謝舊旌旂卽看縱壑魚能舞始笑乘軒鶴
不肥摟指自慙遵伯玉已成四十九年非

嘉慶壬申予辭郡還山二月二日馮旭林春

晴 明府邀同劉敬齋 章勉庵 昌煇 姚紹蘇

冷 諸友揚燮亭孝廉 劬 餞余於道士谷醉

後畱鐵如意而去題句志之

道士戰
信貴

道上谷中謀一醉道人笑我辭官易眼前僚友總神
仙不數離情數靈異是時紅杏猶未花濛濛千樹舍
春氣巖石奔騰大斧劈盤松天矯遊龍戲時有仙雲
落酒杯真人或亦來天際莫將紅旆惱山林合喚青
猿充僕隸浮世功名爲誰設此身進退原無例斜陽
溟溟暗西嶺道人秉燭攀歸騎東坡玉帶鎮金山我
亦迴鞭畱法器乘風他日過東萊還我錚錚鐵如意
蓬萊葛孝廉覃楚贈予鶴余憐而放之鶴不
能飛施於大悲閣作詩惜別

朝衫一脫便西歸未必嚴城竟鐵圍惜汝氈毳還遜
我僊山咫尺不能飛

文泉孝廉以詩送行賦此畱別

閉門松竹有餘清金石圖書養性情太守正慙楊伯
起部人重見鄭康成窮通命定惟求是家國恩長莫
近名但使鄉閭薰善德何須談笑博公卿子固上年
歲歉今正
將辭郡首倡捐穀七百石分布七邑以賑
災黎接縣粥廩文泉司其事全活甚衆

王星客

東冶

李小白

同

兩秀才各賦新詩送

別賦此答贈

翥鶴軒軒兩秀才攜詩把臂送行來深情未免因離

聚妙手居然有化裁老驥頽唐甘伏櫪奇花珍重養
初胎紛華只可浮雲看舒卷無心莫浪猜

王香海

延慶

呂岐封

華齡

兩廣文以詩贈行

分賦二律贈荅

英年科第就閒官書味津津苜蓿盤爲借膠庠閒講
席好畱衣鉢壯詩壇褰裳莫歎埋名早起海渾忘勇
退難指點蓬瀛同一笑瓊樓高處不勝寒

香海

婚宦消磨道味存一經猶喜授文孫觀河面皺金仙
老閱世心灰玉鼎溫許我官身知進退把君詩卷過
朝皆鴻篇易鑄丹難轉他日郵筒與細論

岐封

罷郡待發劉雅山經歷翰元雷慎之司獄水

春朱玉泉署丞璩陸游圃典史藝攜酒過我

求畫司東吏徐允恭書學歐柳秀勁入能復
爲余手鈔新舊詩草感事書懷紀以長句

征車難買辦裝遲且爲桃花住少時有興儘憑官索
畫無權轉得更鈔詩升沈日月誰長守變幻魚龍我
盡知自笑茂宏原憤憤此情畱與後人思

畱贈司東吏徐允恭

顏筋柳骨比秋鷹小字精嚴秀入能惜汝才如金絡
馬滿身雲錦不飛騰

留別雷嶼之司獄

宦海銷磨血性人，官卑真氣總難馴。府今無獄偏司獄，家本能貧不諱貧。我冒風霜空薦鶻，君忘機械可傳薪。臨歧熱淚休輕灑，好養青雲未了身。

二月二十六日楊燮亭馬旭林招同傅壽卿
城守陳柏堂布衣重餞余於道士谷是日丙
十挈三女登蠡勺亭望海卽席有作

全家分路遊山海，人影衣香出郡城。海上魚龍妻女笑，山中詩酒弟兄情。黃冠紫綬成何事，紅杏青松餞此行。可止形骸容放浪，到無官日縶俱清。

瀕行和顧文

我寧還與我周旋浮世窮通自有天但捧心肝朝
北闕且西面目見東川簿書久已妨詩草衣食從今
倚硯田賸汝愛才從類士他時野史或同傳

罷郡後遠近索書者不絕口占紀之

秋蛇春蚓太綢繆官吏紕民次第求四海墨花飛不
盡又畱子紙在萊州

船山詩草卷十八

船山詩草卷十九

遂寧 張問陶 仲治

藥庵退守集上

壬申

壬申三月四日去郡口占

角巾西笑賦還鄉佳句依然在錦囊野鳥一聲呼曉
夢林花五色繡春光魚龍怪幻洪濤遠車馬平安古
道長絕口不談官裏事頭銜重整舊詩狂

題店壁女仙小景

荒村花柳不成春藥走砂飛那抹貧寄語瓊樓諸女

伴忍寒休願謫紅塵

鄒平湖山鋪

盤斲魚簾接縣城經年十度過鄒平全拋纓冕今無
事澹對湖山忽有情萬點綠波通浩渺一雙白鷺太
鮮明行行我亦浮家去身蓋漁篋隱姓名

從者袁深潁州人年五十八從子先後今十
七年矣

雜居鷹燕總無猜夷險升沈付一唉投我早存終老
志歎人空負嚙羣才勞兼奉帚功如嫗老不重妻色
尙孩他日長林同戢影五尋山果笑追陪

三月十八日曉發齊河留別濟陽明府汪夢

巖汝弼

歸鴉過雁各風塵同指繁星已嚮晨警鶴一聲原易
退閒鷗萬里或難馴倉皇歧路迴官馬感歎輕裝損
俸銀莫對桃花憐李白汪倫也是謫仙人

東阿

東阿弔古重裴回其豆相煎事可哀怪底書生難際
遇侯王猶自不宜才

東阿道中詠柳絮

柳花千里送歸鞭弱不禁風太可憐嬌女同來吟謝

九言
卷十一
二
雪征衣此去問吳棉浮雲一散原無著流水三生或有緣指點旗亭迷處所遠山如夢月如煙

雨中過東平州戲用五色字詩成

疲牛服輓馬鉤衡風雨遙遙話遠征阜蓋油幢還北海青衫藤笠過東平餘紅隱賸桃鬟卜軟翠微皴麥浪輕倒載圖經歸白社茆堂高臥煮黃精

壬申三月二十二日由兗州繞道曲阜恭謁高祖母唐太夫人墓昔先文端守兗日以少子贅于孔氏太夫人暮年依居曲阜遺命不歸蜀卜葬于縣南工阜馬鞍山下雷子孫一

支守墓今微矣

遙遙東震隔西坤萬里飛來掃墓門彈指百年冠蓋

影孫曾纔過又元孫

先祖守登州先君令館陶予復守萊郡

豐碑題墨尙巋然守墓人耕別姓田再拜風前華表

鶴幾時流影向西川

守墓人韓兆奇

誓墓心寒氣自超茆檐兄弟也蕭條春犁把定耕牛

穩莫羨風塵五葉貂

時惟問道問義知和居寧陽之崇化問衍知泰父子居曲阜尙

有問衡不知
流落何所

孔顏門第舊婚姻封樹蟬聯尙比鄰却向山東畱故

實萊州太守兗州人

過滕縣未訪蔣伯生明府

因培

留詩文公廟

壁

國善何妨小滕文此舊疆塔來知縣近山遠覺途長
令尹今詞客歸人亦酒狂莫教留十日乘醉問行藏

南沙河題壁

來從青兗冀指顧達徐揚歸路通荆豫鄉雲接雍梁
九川鞵底過五嶽袖中藏我已經滄海江河任渺茫
三月二十六日臨城驛途次爲丙子作生日
膝前雛鳳鬢堆鴉小婢齊簪壽字花鮑女本來能出
世葛仙今日正移家雲鬢早約遊三島象服曾經賦

六珈野唐杯盤春酒熟綠陰相對惜韶華

嶧縣車中憶乾隆乙巳予方爲諸生攜家歸
蜀舟泊仲家淺周恭人生女踰年相繼謝世
今廿八年矣早食馬蘭墩志感

畫舫曾停仲家淺帷車今駐馬蘭墩舟中細弱誰還
在眼底河山我僅存重補鴛巢如隔世再來鴻爪又
畱痕閨房也有滄桑感可笑愚公計子孫

邳州道中感留侯遺事

椎車結履不躊躇進退人間早自如天矯神龍見頭
尾那須黃石授天書

一片閒雲百戰場替他楚漢判興亡
功成祇請封畱足早鑒強侯乞假王

亡秦滅項已安劉產祿何勞借箸謀
畱得眼前平勃在不妨歸與赤松游

鄴侯匡濟武侯忠未必天人際遇窮
可惜後來名將相神僊不作作英雄

徐充

客路交徐充天空綠野平石橋春水活
沙岸午風晴斑犢籬中乳花雞屋上鳴
化工無一事萬物自營營

歸途遺興

浮生如水浩無涯
車壁船窗處處家
詩酒尙耽閑事
業風雲難挽舊年華
青鞵行藥衣香煖
紅笠尋山帽影斜
頗笑張鷟真俗物
天河猶泛使臣槎

桃源道上卽日晚宿中興集

柳外舟車各往還
沿堤春草自閒閒
六塘纔長三分水
四野曾無一寸山
歸計祇堪謀八口
時名何暇問雙鬢
流鶯喚醒勞人夢
且賣魚蝦破酒顏

渡

認得華嚴海寧愁
到岸遲觀河忘我
相飲水勝人知
火宅燒干鬼蓮花
笑一枝悟來須自渡
師只渡迷時

壬申四月初一日抵王家營別車馬

河干長揖辭車馬與汝周旋廿九年從此煙波揮手
去便教登岸亦乘船

王家營渡河

初二日

觀河方信水無情捲土囊沙太平天爲中原留患
難人將終古費經營迴瀾倒湧金銀氣急漚橫衝甲
馬聲誰放奔流歸巨海長堤空與毒龍爭

清河舟中食春筍

春筍登盤喜欲狂淮南風味我初嘗雲衣細剖千層
雪玉版平堆一寸霜丹醞溫和宜越酒鸞刀清脆任

吳娘夢回身化簷簷竹心肺都合風露香

曉過淮安

百萬田廬一綫堤舵樓平與雉樓齊江淮勢小黃流
入湖海心高白日低五路糧艘天上僭三吳鹽賦浪
中批逆河東下寧無術聞道雲梯尙有梯

小句

應官心血少出世眼光新詩但成今體名宜讓古人
長言惟有歎小句忽如神信手千篇過寧愁一字貧

寶應減水閘外見水田

初五日

宿雨全消遠樹晴永安閘外水田明人排白鷺秧初

插堰擁黃沙。債已耕竊祿。曾糜太倉粟。思鄉如見錦。
官城得歸。且作扶犁想。雞欄牛官要早成。

詩料

直把浮生作詩料。閒看詩稿定行藏。中年入仕猶潦
草。他日遊仙更渺茫。世網自開容我退。才名難盜任
人狂。編成早晚焚。丹闈手散紅雲拜綠章。

過界首

看花洞口問秦郵。柳外紅闌小。成樓手洗硯池攬。五
色水窗沿路畫揚州。

泛宅

亂紅初褪綠初肥
泛宅重歌緩緩歸
可止人生重聚
聚掠波癡燕總雙飛

高寶道中卽目

淮流一綫儘彎環
湖水迷茫際九寰
波影畧分堤內
外生涯都在浪中閒
漁歌隔岸閒酬倡
帆勢隨風互往還
白鳥朱霞憑點綴
寥空誰爲補青山

感事爲坡詩下一轉語

無哉無難不公卿
纔算平安過一生
細領癡聾真妙
處始知愚魯卽聰明

詠水田人家 初八日

稻畦明滅露秧鉞水上人家柳岸深羨汝虛堂開綠
野勝他平地布黃金三生筋力酬天祖一把犁鋤閑
古今汨汨泥牛鞭不出始知飛鷺有仙心

揚州水次

手剝淮南筍魚蝦滿釣船閒情宜酒食風味卽神仙
蠶豈綠如染鶯桃紅可憐竹牀拚醉倒歸夢亦翩然
恨揚州兩日未訪穀人祭酒劔潭司馬山尊

學士臨發却寄

紅橋影裏卸輕帆且買鱖魚慰老饞清妙故人能亮
我空箱巾襪懶開緘

辛苦言歸且未歸
水窗清坐翫清暉
野鷗終有閒蹤跡
纔被人知又遠飛

寫詩

閒吟吟醉晝遲遲
消遣流光筆一枝
手拂船窗三尺几
矮箋圓硯寫新詩

十一日將去揚州遇方茶山北上

我正迴帆去君方破浪來
神情招水笑蹤跡任鷗猜
感舊雲千變隨綠酒一杯
翦江風正好分手莫裴回

瓜州渡江入京日

浩浩長瀾忽盪胸
卷篷先爲辟蛟龍
久穿風浪雷真

丹山言其
膽笑指金焦慨舊踪人物銷磨千古盡畫圖烘染十
分濃送江入海橫江去西望岷源意萬重

晚泊鎮江京口驛

船頭風靜自鷗雙萍葉隨潮也渡江沽酒自尋京口
驛六朝山影在篷窗

丹徒道中

十二日

尋山問水客來初似讀平生未見書先向吳娘探消
息江南花月近何如

綠坼

丹青影裏放扁舟山水都從枕上遊
坼草沿流綠無

縫遙村點染露紅樓

十二日逆風行五十里遇雨泊辛豐

近水山光潤柔鬢短蓬草平雙岸綠柁轉一樓紅
把酒看時雨維船避逆風章惇何足算逐處有窮通

舟中遣懷 十三日

江湖沿路少新交富貴浮雲儘繫匏酒遇有名閒印
證詩因無律嬾推敲零星野岸花千點宛轉長途水
一均繞樹南飛更三匝不知何處鵲營巢

丹陽舟夜寫懷

纔辭北馬又南船風雨波濤望渺然惱我無心戀東

海思親何日到西川歸裝難炫支機石祿養先虛負
郭田寄語故人須料理將詩來換買山錢

過陽湖懷稚存

當年慷慨慶彈冠曾有詩盟結歲寒愛我猖狂呼李
白看君光氣奪齊桓浮沈世網終須了進退名場本
不難泉下有靈能笑否故人今日也辭官

高談忠義傲神仙火色飛騰六十年作佛恐居靈運
後著鞭曾讓祖生先酒澆墳土寧無滴詩闕要荒更
可傳攜得驚人奇語在招魂重與問青天

常州懷蘇文忠公

坡僊縹緲隔紅塵想像名禪偶見身忠孝真誠寧放
逐文章嬉笑亦經綸買田陽羨青山老沽酒蘭陵玉
椀新回首大峩天萬里此中曾有未歸人

將至吳門舟中望靈巖諸山作

除却靈巖好繁華歷古今笙歌招士女風月助山林
憂樂先賢志煙雲過客心勾吳空霸業虎氣亦銷沈

寄淵如前輩金陵

拂衣先後賦歸田幾點齊煙望渺然棘手難抒真氣
節同心無礙舊神仙閒看龜鶴調丹鼎笑指魚龍理
釣船小聚不妨仍小別春江花月耐流連

尹文端公遊攝山圖用袁子才前輩與公倡

和元韻

斧藻鴻功歸信史經綸餘事闢名山地傳古德棲霞
久天望神人化鶴還一代明良心灑落六朝金粉畫
爛斑長松大石畱遺澤都在吳儂夢想閒

金甌龍節任全勝使相功兼苦行僧遺愛傳來丹鼎
熟舊題籠處碧紗層契投魚水天常笑用到雲山吏
亦能強似最高峯獨立三朝三世邁凝丞

靈山百藥濟無窮點染琳宮衛 法宮身似寒儒依
硯北心如春水遍江東指揮風草精神遠呼吸天民

氣象通爲想 翠華臨幸日五雲高映稻花紅

林壑鮮明憑獨造巖泉甘苦亦親嘗詩清政簡遊蹤
古 主聖臣賢道味長山海圖經真不朽江湖憂樂
總難忘何時手蠟尋芳屐重別豐碑拜夕陽

題古雪齋七夕雲書心字圖

蛛絲乞巧事陳陳天上飛來一字新輸與月娥親看
見無心雲印有心人

慶蕉園方伯瀟湘一曲圖

欲送飛鴻影湘絃信手揮曲高憑和寡我貴在知希
木葉聽黃落煙波寫翠微澹懷誰可說流韻託金徽

寒石上人吾與庵圖

際風字澄谷

澄公無我相吾與亦非庵道本儒仙合詩從偈頌參
大心通越絕小卷畫江南放下蒲團去浮名未可擔
范葦船西冷春泛圖

中年早讀相人書流覽風塵計不疎聞說西湖似西
子請君畱眼看何如

梁山舟先生九十壽

從此松喬歲月寬纔從九轉試金丹迴翔聖代雲
千仞揮灑人閒墨一九古德逃禪翻愛酒飛仙出世
更遷官擗麟筵做羣真集可許簽名太乙壇

盧湘槎明府

元璣

騎鶴清遊圖

離合關心動十年
遙遙北馬又南船
官情冷燖尊中
酒游興蒼茫郭外田
笑倚瓊花畱眼福
醉呼仙鶴開
殷纒相逢莫羨迴帆早
湖海淨家正渺然

題樂天天隨鄰屋

壬申自東萊謝郡就醫吳門僑寓虎邱右倚
甫里祠左距白公祠不遠自顏所居曰樂天
天隨鄰屋題句志之

香山居士抽簪處
甫里先生鬪鴨時
驛使無須打金
彈
醉鄉猶喜聽楊枝
凭闌早醒繁華夢
點筆難刪諷

九
論詩且作生公臺下石掠波飛燕任差池

梵書仙典塞虛堂更喜鄰僧施竹牀我在尙留金粟
影人來都訝贊公房居同彌勒原無著坐久旃檀忽
有香三萬二千獅子座任他求法禮燈王

虎邱冬日

山塘清曠且淨家小艇搖搖水一涯莫管霜風吹帽
冷江南紅葉好干花

讀雪齋上人吟草卽題尋梅招鶴圖後

秦州人時

禹虎邱之
怡賢寺

我似閒僧已退堂對君談笑發心光二分明月無塵

夢一卷新詩有妙香山靜方知梅淡遠天空行任鶴
迴翔招尋只隔門前水好把蘇臺作道場

一室

爐火培香靜不焚維摩一室斷聲聞到門賓刺如紅
葉過手家財是白雲食少祇堪分鶴料心空無礙入
鷗羣儘拚書籍零星賣遮眼惟畱梵夾文

瑞庵居士小照

小立如參不語禪圖形何必羨縷煙茶香也覺三關
透箭去曾教七扎穿殘墨尙看魚踊躍深衣祇許鶴
盤旋迴光暗數心頭佛百八牟尼字字圓

題蕉園方伯小卷

一水空明照此心
此心如月亦如琴
卽看水月眞牙
曠莫更停琴待賞音

泛月理琴

一葉隨風舞更遲
焦桐心事碧梧知
旁人誤作飄零

看此正飛鴻目送時

梧葉舞秋風

水如有意終亭蓄
雲到無心亦渺茫
海上成連何處
覓一聲入破忽瀟湘

瀟湘水雲

小摘鷗絃寫性情
平沙有鳥互飛鳴
夜涼如聽湘靈
曲一雁清于一雁聲

平沙落雁

王申十一月二日閨人遊虎邱卽事有作

秋筠春蘭不是萍故教相遇可中亭明修雲棧通秦
蜀暗畫蛾眉門尹邢梅子含酸都有味倉庚療妬恐
無靈天孫却被牽牛笑已撒銀河露小屋

馮棟生瀆川春泛圖

不著鶯花水自香橫塘清遠勝山塘偶然飛个紅襟
燕來與詩人話夕陽

載書訪友圖爲蓮汀題

何處鷗盟結歲寒一經珍重百回看靈山安宛求書
易塵海蒼茫得友難皮相總防虛土誤眼光先怕古
人瞞乘桴我亦浮家客不爲神菴理釣竿

宋趙公震畫五柳歸來圖孫淵如前號藏卷

公震名士雷襄州觀察使

頭上飄然灑酒巾
摹神難畫寫天民
攢肩白社寧圖
佛回首青山學
避秦與世推移
惟有醉置身
安穩莫如貧
漫憐松菊無春色
此是尋桃種柳人

病懷先後賦歸歟
敢向昇平說隱居
官職高于彭澤
令遭逢難似武陵
漁君安鱸膾三江
近我悵峨眉萬
里餘祇恐折腰
仍不免無田何處
命巾車

題屠琴鳴論詩圖

妙靈何處說心聲
粉碎虛空自渾成
如向先天開一

盡敬他欲寶不知名

仙經佛頌養靈胎七寶莊嚴啟辯才提筆便存天

想神龍鱗瓜破空來

規唐摹宋苦支持也似殘花放幾枝鄭婢蕭奴門

好出人頭地恐無時

土飯塵羹忽斬新猶人字字不猶人要從元始傳丹

訣萬化無非一味真

來先無謂去無端口吐人言亦大難是嚙是痞都不

解回頭鸚鵡在闌干

下筆先嫌趣不真詩人原是有情人生來將肘無風

船山詩草

卷十九

肯且請搥沙待轉輪

妃紅儷白想千年禍聚裁梨亦惘然辛苦嘜名皆劣
伯仙才何暇計流傳

也能嚴重也輕清九轉丹金鑄始成一片神光動魄
魄空靈不是小聰明

敢云老馬竟知途看盡尋常大小巫珍重華嚴罽海
墨詩中一樣有衣珠

公事公言醉不辭無邪詩教本無私一編也自畱天
壤那望人知勝我知

臘月九日與董琢鄉戴竹友范羣齡陪穀人

祭酒白公祠小集

鷺坡回首不勝情，鷺叢中理舊盟。一代人才誰萬古，九州師事賸先生。丹成尙待三生藥，身退全收四海名。半世塵勞空對語，白公堤下水無聲。

臘月十三日戴竹友齋中消寒第一集題子

惜馬圖照

俊如仙鶴矯如龍，來便空羣去絕蹤。天上房星偏易謫，人間伯樂最難逢。迷途能識身將老，衰草無情畫不濃。西極欲歸天萬里，籬雲何日盪心胷。

寄荅鮑野雲明府

文達

去制野雲自海陽引

退歸丹徒先予數月頃以詩托見貽故不能

已于言也

芻牧難求最愴神牛羊猶在口抽身東方冠蓋如雲積去就分明只此人

翁懷墨綬子擔簦雲水迢迢苦行僧淮海江河攔不住自搖舟楫渡南能

封鮓方知祿養難歸來藜藿轉加餐太夫人苦算三十餘年不能迎養脂膏總飽他人腹要報親恩不在官

行藏無據那知非為感君歸我亦歸一樣思親家較

遠暮雲猶自隔庭幃

大尹迂拘太守狂譽先無用毀何妨陶潛松菊胡威
絹還被人疑陸賈裝
山塘賣字影秋蛇京口傳經展絳紗各保書生真面
目是非休論別人家

汪心農觀察 穀 試硯齋圖

磨人磨墨兩相忘賦到無聲有妙香可似凝脂不置
手下幃珍重試蘭湯
金屋金臺大將壇古人雲構不酸寒瀟君一硯知天
下得寶都防適用難

寸梅山館圖 爲心農題 梅爲心農先人
臨江太守手種

官守臨江鶴守梅清寒滋味美于回君因手澤花前
拜我望仙雲畫裏來大鳥豈無霄漢想繁枝原爲千
孫栽家風此亦林君復過燕鄰桃莫浪猜

汪竹坪竹坪圖

一笋根慈孝森然竹萬枝各存松栢志同挺鳳鸞姿
葉動分書勢香清有醉時咳蘭心跡妙還讓此君知

胡栗堂羅浮遇仙圖

半生婚宦誤神仙何日真逢葛稚川歎我塵勞非健
者羨君風骨本飄然會當身化羅浮蝶早已心依內
外篇記否二山曾說破不須重費草鞋錢

蘇文忠公生

口九春樊舍人

興詩

招同潘榕

皋農部

奕傳

盧湘榭明府

元璣

吳巢松吉士

慈鶴

小集延

月舫設祀卽席口占

燭花香影拜坡仙
生氣隆隆七百年
恨與荆舒爭沒世
笑憑江水誓歸田
泥鴻先我來流寓
鱗豎隨人遞結緣
看徹幽明此何日
彭殤一過總徒然

船山詩草卷十九

船山詩草卷十九

船山詩草卷二十

遂寧 張問陶 中冶

藥庵退守集下

癸酉

奉和方葆巖寄懷元韻

一年漁釣隱煙波，笑指懸厓撒手過。
勇退在人寧有數，淡交從古不能多。
雲高儘許飛笈鳳，松老何妨施女蘿。
虎阜秦淮同宴息，任他門外奏笙歌。

原作

方維甸

橫塘春漲接江波，一舸凌風可擊過。
郭外好山如

有待座中名士恨無多閒邀野客尋松菊並載佳
人出苧蘿相約莫愁湖上去扣舷同和竹枝歌

方葆巖制軍青溪放擢圖

二十七歲使
粵時寫照

青溪重到鬚將斑畫裏金丹早駐顏花影尙如前度
好鷗情轉比少年閒身經禹迹要荒外文在皋謨伯
仲閒蘭膳親調歸夢穩推篷依舊六朝山

唐陶山刺史焚香埽地圖

靜處焚香可告天閑來埽地卽參禪九丹早鍊山中
藥一帚全空世上緣皓旰塵勞皆淨土微芒火記有
真傳相期他日居何等莫羨楞嚴十種仙

吳芝田添香伴讀圖

丹鉛粉黛少天人那得儂雲雨現身老蠹有緣方食
字羣雌無貌莫含顰難鈔貝葉重翻譯且傍桃花一
寫真我是文魔畱色界逆風何日斷根塵

小樓

小樓春雨似吳篷萬里浮家少定蹤墨海淘金知水
利硯田收稅學山農升沈祇覺生如戲貧病方爲世
所容坐破蒲團歸未得夜天何處一聲鐘

虎邱寓樓卽事

東萊矜疾爲思親草草歸裝那抹貧屈指巴船空計

丹山言正 卷二 二
日驚心吳市忽經春中途浩渺還鄉夢半世飄零
米人萬里江山西望久白雲多處是峨岷
福教名折我何詞天道茫茫却有知己分無才能罷
郡又因多事望生兒買魚自擾池中水抵鵲兼傷樹
上枝對境無端心數起萬緣都坐入山暹

寄萊人

經年領郡總思鄉身混魚龍墮渺茫手送雙丸出車
海夢隨千佛到西方飄搖退鷁情雖隱散漫哀鴻事
可傷遼左流民安堵未歸人猶日滯金閭

塵海

塵海狂瀾衆口翻百年功過一聲猿行藏可歎人誰
解得失寧教我自言福命在天憑婦孺形骸如土況
田園武侯不去畱侯去食少安能抵事煩

半生

拋散流光值幾錢半生勞攘誤神仙可憐天上閒鳥
兔爲我迴旋五十年

案上

夢無鼠穴食無魚案上猶存梵夾書但看花中開五
葉不曾門外覓三真名流知見誰公論華士文章半
子虛祇恐几情磨未淨菰林枝節盡芟除

掛單

柳稻沿江且掛單南來參破幾疑團誰憐帶業修行
久自笑憑空解脫難頑鐵鑄成身外累晨鐘敲醒夢
中官煙波畢竟抽帆易春水桃花一釣竿

汪竹坪

蒸

壽源小隱五十小像

恒沙歲月浩無邊一笑觀河五十年天上早圖真位
業屏中聊繪小神仙林泉八夢皆非幻書畫敲門總
是緣我亦頭顱剛半百相期畱世學彭篔

李覺齋

秉三

印須我友圖

人貪利涉我遲畱爲感嚶鳴倘有求萬念迴環翔渚

鶴一身清遠立沙鷗悠然諧者行路渺渺丹青且
以遊倘遇林宗定招手畫中仙李要同舟

澄谷和尚七十壽詩

法界空靈歲月長金仙原喜壽無量清閒纔是真禪
悅功德曾開幾道場詩草不隨三乘小曇花能接六
朝香未知飲酒陶彭澤可許蓮臺侑一觴

趙雲松前輩翼過訪時年八十七

公昔登科我未生忘年何意訂鷗盟諸天許見真頭
面一笑都含古性情落落孫洪皆後起遙遙袁蔣舊
齊名三朝日月無私照箇詩人詠太平

基到旁觀著更高爲耽佳句謝塵勞中年勇退公
九
早半世閒吟我亦豪身享大名兼壽豈詩刪小雅
况
離騷才人戲論須同戒祇豢生龍莫教獠

與世

雲衣飄舉出風塵與世無猜夢亦真撒手正當寧
作
我平心好在不如人苦貪鐘鼎銘何事笑借湖山畫
此身竿木逢場前境杳龍天應免咒波旬

瞿園

卽編師園丙辰夏
呂會寄題二詩

植詩曾寄網師園萬里來遊一踐言何止畫圖開
繡
軸真從城市見桃源詩書氣湧山逾秀花竹叢深鳥

不啻十八年如春夢香照人春水尙潺湲

孫祠雅集圖同趙甌北范芝巖

來宗

兩前輩

潘榕皋

奕雋

戶部范鞏少府蔣于楚明經

作

五十將衰忽少年
龐眉三老坐樽前
聽從開寶談遺事
笑看蓬壺醉散仙
有酒在尊休學佛
無功當世合歸田
難逢曹霸丹青手
一點靈臺莫浪傳

感事

白小凌波也是魚
影娥池上好家居
秋暈翦鏡眉如黛
春筍扶釵髮有旗
樂府可憐劉碧玉
才人多事馬

相如幕某那更談金屋祇論華年已誤渠

去年年十六歸子

星小何緣擬聚奎
羲圖火澤竟古睽
生原難養丹飛
鼎情不能忘素反
閨幸肌罡風留勁
草且攜明月賦
柔荑佳兒倘入熊
羆夢戈印還教左
右提

癸酉二月十三日應廖復堂都轉之約暨赴

揚州口占別家人

一家離聚水邊鷗
鬢理蘭橈別虎邱
歸計久懸慈母
望生涯全仗故人
謀豈無鐘鼎皆虛
器如此山川祇
浪遊且趁花朝春
漲綠臥看明月上
揚州

舟徒舟中

烏絲紅袖小神仙，還住華嚴色界天。
枕上夢迴三峽雨，鏡中春泛五湖船。
芳花當齒惟宜笑，萍葉隨潮也是緣。
劃眼江山空六代，浪頭煙月去茫然。

十五日丹徒雪夜和朱蘭賁觀察游仙詩

元韻

春雪瀟空夜皎然，畫船攜酒問江天。
詩如李白經牛渚，人有清娥侍馬遷。
河海無聲通戒外，金焦分影立風前。
征鴻歸燕漾漾去，輸與沙鷗自在眠。

莫向紅塵歎謫仙，塵緣無著卽仙緣。
千重積卷憐一蠹，一綫春風笑紙鳶。
塞馬看人驚得失，磨驢如我耐

盤旋雄飛雌伏無窮事都在黃庭內外篇

十六日雪中渡江

故人折簡近相招一舸橫江路不遙
醉酒暗消京口雪大帆平壓海門潮
揚州燈火難爲月吳市笙歌賸此簫
那管風濤千萬里妙蓮雨朶是金焦

十七日泊揚州廖復堂都轉假館以待賦詩

志感並謝楊警齋太守

光鶴

胡左君知事

源

人到揚州雪亦晴長筵廣廈早經營
閨裝倚鏡忘飄泊賓刺沿江有送迎
事闋榮枯安義命身當貧病見交情
親朋把臂爭料理那得浮家隱姓名

潘朗齋明府鎔品劔圖

人湧花光劔影紅請看越女對猿公神仙祇學當機
斷恩怨何妨過眼空早煉洪爐融氣色宵燒頑鐵鑄
雌雄丹青宛轉傳真意都在靈臺一點中

朗齋河陽春色圖

繞縣名花媚使君遊仙小夢畫行雲蘇臺春柳秦淮
水何止揚州月二分

長生禪林贈大恆上人

蓮社宏開不爲名相逢一笑悟三生風前隱約繁華
夢眼底分明舍衛城禪士可憐人著相龍天都累佛

吞聲誰知無賴揚州月看到虛空却有情

道意

我心妙處卽天心一筏寧愁孽海深但望人皆修性命須知道不在山林龜龍蟠水朝神觀花鳥隨風散
法音火記無傳仙藥幻燒丹何日變黃金

兒女勲名總妙緣要從火宅見青蓮拈來梵夾無非道參破儒書卽是仙不斷熏修兼度世未完功行放
升天分明眼底平常事何處虛空有秘傳

鄒十二菡莊

文瑞

醉後爲予執師弟禮累日

宴集抱素堂口占卽事

相逢準擬醉千場。蠶蝶撩人又舉觴。宛轉清歌增酒
態。空靈時雨助花光。蘭茗詩謝風雲氣。桃李春融粉
黛香。絲竹生徒畱戲語。絳帷他日夢痕長。

憐影圖爲懷素芬題卽步自題元韻

也耐溫香也耐寒。凌波小影鏡中看。窺簾梁燕歸方
穩。墮枕釵花膩不殘。豔福修從塵海易。名心灰到美
人難。閒吟冷醉題詩去。一滴華嚴墨未乾。

將去揚州畱別諸友

笙歌交酒日清新。邗水東流欲餞春。燈火萬家空照
眼。煙花三月尙畱人。佛緣平等交情厚。仙夢高寒醉

語真不學分司狂御史青樓紅粉墜根塵

京口舟中

幻影魔人恐未降
枕樓猶自樹紅幢
此閒何樂能忘
蜀只我無才也
過江經世奇書情味短
滌仙小枕夢痕雙
南陽子驥休調笑
萬樹桃花映水窗

春水

綠痕微動水知春
煙月都望雨後新
出浴出情初嫁
女過江花韻六朝人
鶯簧宛轉歌無度
萍梗飄流現此身
那見魚龍能變化
隨波一例是常鱗

駘宕春光日夜浮
韶華如夢水東流
纏綿柳岸三分

月零亂桃花數點鷗折葦何人能立脚逆風無浪不
回頭青簾紅舫聽簫鼓好語吳儂莫遠遊
春迴三峽走灘聲萬里江源故國情小梗盪成隨處
險大波流到幾時平無窮新漲來方盛有限狂瀾去
亦輕嬾聽麻姑說清淺虛船我已隔蓬瀛
春濃無礙水清靈已去流年可斲停冷煖誰知參佛
汚溫和纔許悟仙經浮華濫濫難成果飛絮濛濛欲
化萍畢竟湘娥絃指妙曲終猶見數峯青

陽湖道中

風迴五兩月逢三雙槳平拖水蔚藍百分桃花千分

柳冶紅妖翠畫江南

菜花

鴨頭新綠擁鷺黃
碎影毳毼野岸長
花透土膏留正色
根涵風露守真香
如從佛地收金粟
閒替農天補豔陽
因到殘春開更久
不知桃李爲誰忙

洛社舟中

江湖遊衍勝山林
花竹沿流望轉深
尙喜新詩無暮氣
偶耽名酒亦仙心
學荒祗可緝諸子
身退何須問六壬
笑拓紅窗添半臂
淡雲微雨看春陰

舟中見落花

過眼穠花又落花，流光如水去無涯。
浮生一瞥緣終幻，帶業重來念早差。
莫爲英雄悲末路，好將頭面照恒沙。
少年猶恐朱顏改，況我看春鬢已華。

二十三日射瀆

射瀆迴帆穩，林梢見虎邱。
夕陽明遠塔，春漲入荒洲。
詩味花中棹，歸心水上樓。
夜燈嬌女笑，溫酒問揚州。

癸酉四月九日閨人聚于山塘寓樓卽事

鵲巢風定轉陽和，江汜眞從悔後歌。
信有春鷓堪人藥，笑看秋水不生波。
要離塚畔難言勇，乾闥婆前尙著魔。
翠黛金章成底事，半生婚宦耐消磨。

萬縣廬司馬 承紹 自鏡圖

一境納千形洞影若觀火鑄就妙明心迴光先照我
法門原不二是一亦非真本來無一物權說有三身
真光無動靜真景無內外我我兩相忘真空浩無界
鏡中先照影畫裏更傳神參透真皆幻纔知幻亦真

虎邱寓齋

通池玩水滌塵襟補石扶花養道心觸處生機皆雨
露偶然清坐卽山林書逢梵夾時流覽酒對家姬尙
淺斟笠屐挂牆人醉倒過門紅旆莫招尋

鮑孝子尋親詩

心定開金石思親夢謫然有情人世界不斷佛因緣
樹老風方靜雲歸月再圓艱難重繞膝莫問草鞋錢
漸門居士六十小像爲汪心農題

法門全在定中求頓悟方能說漸修身外榮名原畫
餅眼前真相亦浮漚層層世網穿鍼孔步步神鞭打
念頭寫向丹青還自認天花無著勝封侯

水月煉師照

水月常光可是空修真借假運天工登場膠革精神
少撒手風雷氣象雄大道不離行止處浮生原只畫
圖中丹華宵鍊閒芝朮爐鞴全拋火自紅

李仙像

拋散前身借此身
鬚眉全改性情真
元神一笑雙軀
亮始信皮囊是別人

功名何必畫凌煙
孔曰迴頭也是仙
打破虛空成粉
碎手拖鐵杖去升天

淵如前輩招集孫子祠

孫祠雄秀陸祠清
同借山堂隱姓名
笑我憑闌聊射
鴨與君賭酒又談兵
蒹鱸舊約真能踐
花月閒緣最
有情流水半篙山
一角向來原不羨公卿

汪厚叔吏部

繼堦

風定蘇潭看月生
圖

杜樊川句

畫裏蘇潭月隨風欲上坡引來人入夢澹到水無情
詩境一何瘦鄉心如此清平生攀桂手七寶要修成
題淵如前輩小像

卅年出處略相同斟酌橋邊兩寓公薄有時名畱輦
下都無長策治山東流連文酒憑今雨檢點行藏尙
古風各保游仙真面目不勞麟閣畫英雄

汪梯愚月桂傳香小照三代皆生于八月晨
子

桂籍繩承譜姓名妙緣都並月華生冰輪光印團欒
影金粟育含笑語聲寫貌何須無我相傳心惟覺舉

家清觀潮好試枚乘筆秋水魚龍正有情

盛匏安

元度

邵尉探梅詩畫卷

白梅花好賦詩難香雪濛濛畫裏看二月韶光澹
遠萬山吟興動高寒船窗波靜鷗情悄禪榻春浮鶴
夢寬小句游仙畱片影羨君風格勝驂鸞

樵園方伯既裝尹文端公及莊滋圃

有恭袁

簡齋王夢樓三先生畫像冊復自繪小像以
于附畫于同冊題句志之

旌旗捲影問蒿萊也似文端愛子才梅市行藏容我
寄龍門風氣望君開諸天掣電寧無相小草依山媿

不材畫裏韋平看接迹星圖重疊繪三台

畫蘭

偶檢離騷寫數行便思乘興畫瀟湘可憐百種沿江
草不及幽蘭一箭香

題金匱齊梅麓明府

彥槐

改官以後詩

君恩浩蕩母恩慈感歎君詩似我詩各定行藏占用
舍不關飛伏判雄雌重尋牙曠今餘幾真到蓬萊會
有時但祝紅塵功行滿仙山搯手未應遲

胡蔭蘭松窗讀易圖

三教微言出繫辭談經最古是庖犧要從無極傳心

九一言言 卷二十一
三
畫旨爲加年感數竒周孔真源惟易簡老莊流弊漸
支離前知自有先天學卜筮全拋更不疑

劉瑞圃 潮 卷勺園圖

海嶽難酬未了緣一拳一勺也超然目存山意詩先
癡心有波光夢已圓琴酒不妨人作達園林長與畫
同傳鴻都官府多疲茶好守蓬壺聚散仙

劉瑞圃南澗訪僧圖

訪澄谷也時澄谷主
理安今歸支硎矣

橫塘山水接錢塘風月無邊有妙香居士入山僧退
院任他金粉畫蘇杭

山陰陳九巖十峰昆季重葺徐文長故居寄

詩題贈

養水培花弔隱淪青藤池館忽重新游塵異代空留
宅奇鬼沖天不轉輪名士軒窗仍灑落大家門戶變
清淳前生君卽胡宗憲隔世還來護此人

和澄谷上人七十自嘲千首元韻

支硎山下卓長藤指引兒孫接祖燈不落旁門纏五
蘊早開覺路演三乘法施饑鬼貧偏有血戰天魔老
更能一卷新詩凌庾鮑令人神往六朝僧

師居支硎所著詩曰

倚枝吟

天台風送一枝藤踏遍芒鞋會五燈明鏡無臺傳密

印妙蓮有子破餘乘拈花敷座逢人興
薙草開堂逐處能越水吳山門迳熟買絲
爭繡打包僧

師天台久歷主蘇州

天寧杭州理安法席

烈火光中斷葛藤
通明無燄悟心燈
紅塵陡掃多生劫
白手先超最上乘
孽海波瀾祛外道
祖衣鍼綫認南能
如來出世因緣大
不是沿門募化僧

蒼翠茆庵絡古藤
支公心印許傳燈
買山費少緣會結
敲月人多興可乘
應對王劉憑我法
挽推陶謝試誰能
木樨開處香無隱
花氣難撩入定僧

晚年退居支硎之吾

與庵少與齊次風梁山
亦謂先生訂方外交

支那語錄苦牽藤親禮燈王試一燈籠世好畱銅馬
式引人權說白牛乘七言持贈仙原宥五字閒吟佛
也能開演貝多千萬偈任他嘲笑作詩僧

所刻語錄以詩說法

子爲之序

清坐蒲團倚瘦藤千經攤向妙明燈波陀到底終無
字羊鹿都非別有乘沒可形容如夢覺最難修證許
人能靈山一會依然在何處曾藏退院僧

師既退院題所居月

倚杪處

遺經鈔殼剡溪藤檢點儒仙就佛燈尺璧總堪爲世
寶三車原喜借人乘龍天一笑師真了禪土雙修我

未能八萬四千見影塵勞磨透在家僧

昆刀誰割拘枝藤世諦茫如隔幕燈瑣碎王章都是
法支離仙趣已非乘蟾蜍入月狐難繼雞犬升天鬼
不能莫怪金身嚴戒律十年幾個坐關僧

連環難解樹纏藤黑獄光寒一穗燈隍鹿那堪憑夢
守的顛爭忍教奴乘笑他臨陣揮如意老我操舟想
最能兒女英雄成底事浮生須問轉經僧

花亞寒巖月挂藤夜窗重翦讀書燈兩閒誑語憑千
舌三教微言只一乘命定可憐皆有數心閒最好百
無能分明磨祖西來意度世全虧出世僧

空山聽雨圖爲女冠韻香題

打疊星冠掩鏡臺
經聲初靜雨聲來
渺無言說龍天
喜福慧雙修此辯才

蒲團清坐斷聲聞
人比蓮花瘦幾分
寫罷靈飛經一
卷碧天吹散妙鬢雲

寒山

徑迴山露角
鼈影戴飛樓
大石綠如染
小花紅更幽
青鞋增野態
丹嶂紀宸游
暫坐忘飄泊
鐘聲蕩客愁

一
閉
蟋

船山詩草卷二十一
細撥牙髻^影蝨蠹靈小妻嬌女笑中庭野人籬落渾無
事正好平章蟋蟀經

船山詩草卷二十一